



ШИНЖЛЭХ УХААН, ТЕХНОЛОГИЙН
ИХ СУРГУУЛИЙН РЕКТОРЫН
ТУШААЛ

2025 оны 09 сарын 03 өдөр

Дугаар А/275

Улаанбаатар хот

ШУТИС-ийн санхүүжилттэй төсөл шалгаруулах
удирдамж батлах, төсөл сонгон шалгаруулах тухай

ШУТИС-ийн дүрмийн 4.9.16, 10.2 дэх заалт, ШУТИС-ийн захирлын 2022 оны 04 дүгээр сарын 29-ний өдрийн А/145 дугаар тушаалаар баталсан “ШУТИС-д төсөл, гэрээт ажил хэрэгжүүлэх, эрдэм шинжилгээний үйл ажиллагааг санхүүжүүлэх журам”-ын 5.6.2, 7.4, 7.6 дахь заалтуудыг үндэслэн ТУШААХ нь:

1. 2026 онд ШУТИС-ийн санхүүжилттэй судалгаа, инновацын төсөл сонгон шалгаруулах удирдамжийг нэгдүгээр хавсралтаар, докторын дараах судлаачийн тэтгэлэгт хөтөлбөрийн удирдамжийг хоёрдугаар хавсралтаар тус тус баталсугай.

2. Төслийн сонгон шалгаруулалтыг удирдамжийн дагуу хийж шалгарсан төслүүдэд санхүүжилт олгох, хэрэгжилтэд хяналт тавьж зохион байгуулалтаар хангаж ажиллахыг ШУТИС-ийн Эрдмийн зөвлөлийн дэргэдэх Эрдэм шинжилгээ, технологийн дэд зөвлөл (Д.Цолмонбаатар)-т үүрэг болгосугай.

РЕКТОР



Т.НАМНАН

367041337



ШУТИС-ИЙН САНХҮҮЖИЛТТЭЙ СУДАЛГААНЫ ТӨСЛИЙН СОНГОН ШАЛГАРУУЛАХ ҮЙЛ АЖИЛЛАГААНЫ УДИРДАМЖ

Зорилго:

ШУТИС-ийн судалгаа, инновацын хөгжилд хувь нэмэр оруулахуйц улс орны нийгэм эдийн засгийн ач холбогдол бүхий судалгааны төслүүдийг сонгон шалгаруулж, 2026 онд санхүүжүүлэх үйл ажиллагааг зохион байгуулна.

Төслийн төрөл:

ШУТИС-ийн Эрдэм шинжилгээ, технологи хөгжүүлэлтийн алба, Инновац, бизнес түншлэлийн албанаас 2026 онд хэрэгжүүлэх (1) **суурь, хэрэглээний судалгаа /онолын суурь ШУ-ыг хөгжүүлэх/, (2) технологийн туршилт, зүгшрүүлэлт /судалгааны үр дүнг үйлдвэрлэл үйлчилгээнд нэвтрүүлэх/-ийн төслийг сонгон шалгаруулж санхүүжүүлнэ.**

Тавигдах шаардлага:

Төсөл нь дараах шаардлага, шалгуурыг хангасан байна. Үүнд:

1. Төсөл мэдүүлэх судалгааны багийн удирдагч нь ШУТИС-ийн үндсэн орон тооны (харьяа хүрээлэнгийн судлаачид хамаарна) доктор буюу түүнээс дээш эрдмийн зэрэгтэй профессор, багш, судлаач байна;
2. Төслийн багийн гишүүдийн тоог хязгаарлахгүй бөгөөд төслийн багт хоёр ба дүүнээс дээш ШУТИС-ийн үндсэн болон гэрээт профессор багш, судлаач, ажилтан, докторын сургалтад хамрагдаж буй нэг оюутныг заавал оролцуулна;
3. Судалгааны төслийг хэрэгжүүлэх хугацаа суурь судалгаа-**15** сар, технологийн туршилт, зүгшрүүлэлтийн төсөл-**24** сараас хэтрэхгүй байна;
4. Судалгааны үр дүнг эзэмших, ашиглахыг ШУТИС-д зөвшөөрсөн байна;
5. “ШУТИС-2030 стратеги төлөвлөгөөний үндсэн зорилгод хүрэх замын зураглал- KPI”-ийн үзүүлэлтүүдэд хувь нэмэр оруулсан байна;

| № | Төсөлд тавигдах шаардлага: | |
|---|--|---|
| | Суурь, хэрэглээний судалгаа | Технологийн туршилт, зүгшрүүлэлт |
| 1 | ШУТИС-ийн тэргүүлэх чиглэлийн хүрээнд онолын суурь хэрэглээний шинжлэх ухааныг хөгжүүлэхэд чиглэсэн бөгөөд шийдвэрлэх асуудал нь тодорхой, оновчтой судалгааны арга замыг сонгосон байх; | Урьд өмнө судлагдсан байх бөгөөд үр дүнгээр "Аж үйлдвэрийн оюуны өмчийн" эрхийн баталгаажилтын гэрчилгээ авсан байх; |
| 2 | Олон улсын мэдээллийн сан WoS, Scopus-т бүртгэлтэй мэргэжлийн сэтгүүлд ШУТИС-ийн нэр дээр 1-ээс доошгүй өгүүлэл хэвлүүлэх; | Судалгааны үр дүнг хөгжүүлж үйлдвэрлэл, үйлчилгээнд туршин нэвтрүүлэх; |
| 3 | Дэвшүүлж буй судалгааны чиглэлээр ШУТИС-д суралцаж буй 1 докторантыг төсөл хэрэгжих хугацаанд урьдчилсан эсвэл жинхэнэ хамгаалалт хийлгэсэн байх; | Төслөөр хөгжүүлэх бүтээгдэхүүн, үйлчилгээний маркетинг болон бизнес төлөвлөгөөг боловсруулан өрсөлдөх чадвар (зах зээл, үр ашиг, түүхий эд материалын талаарх тооцоо, судалгаа)-ийг илэрхийлсэн байх; |

03

ШУТИС-ийн ректорын 2025 оны 09 дүгээр сарын
 нь өдрийн 10 дугаар тушаалын нэгдүгээр хавсралт



| | | |
|---|--|---|
| 4 | Судалгааны үр дүнд зохиогчийн эрх, ном сурах бичиг, гарын авлагын аль нэгийг гаргах; | Төслийн судалгаа хөгжүүлэлтийн үе шат 6 сар (бүтээгдэхүүн, үйлчилгээний анхдагч загварыг гаргах), үйлдвэрлэл үйлчилгээнд нэвтрүүлэх үе шат 18 сар төслийн нийт үргэлжлэх хугацаа 24 хүртэлх сар байх; |
| 5 | Судалгааны үр дүнг мэргэжлийн чиглэлийн эрдэм шинжилгээний хурал болон ШУТИС-ийн багш, судлаачдын дунд хэлэлцүүлж, түгээн дэлгэрүүлэх; | Төслийг амжилттай хэрэгжүүлэх хүний нөөц, санхүүгийн чадавх (бусад эх үүсвэрээс хамтарсан санхүүжилт авсан бол давуу тал болох)-тай байх; |
| 6 | Төслийн санхүүжилтийн нийт дүн: Эргэн төлөгдөхгүй нөхцөлтэй 30 сая хүртэлх төгрөг байна. | Төслийн санхүүжилтийн нийт дүн: 80% нь эргэн төлөгдөх нөхцөлтэй 50 сая хүртэлх төгрөг байна. |

Төслийн материал бүрдүүлэх, төсөл ирүүлэх, шалгаруулах хугацаа

- Бүрдүүлэх материал:** Төсөл санаачлагч баг нь доорх материалыг бүрдүүлэн Эрдэм шинжилгээ, технологи, хөгжүүлэлтийн албанд ирүүлнэ.
 - Судалгааны баг нь дэвшүүлэх төслийн саналаа “төсөл мэдүүлэх заавар маягт”-ын дагуу боловсруулж, PDF форматаар research@must.edu.mn цахим хаягаар ирүүлнэ (Материал дутуу ирүүлсэн тохиолдолд сонгон шалгаруулалтад оролцох боломжгүй);
 - Тухайн судалгааны сэдвийн давтагдаагүй байдал, гарах үр дүнгийн төсөөллийн саналыг төслийн удирдагчийн харьяалах бүрэлдэхүүн сургууль, хүрээлэнгийн эрдмийн зөвлөлөөр хэлэлцүүлэн дэмжигдсэн хурлын тэмдэглэл;
- Материал хүлээн авах:** Төслийн материалыг 2025 оны 10 дугаар сарын 17-ны өдрийн 18:00 цаг хүртэл хүлээн авна.
- Төслийн санал хянах:** Ирүүлсэн төслийн саналын материал бүрэн эсэх, тавьсан шаардлагад нийцэж буй эсэхийг Эрдэм шинжилгээ, технологи, хөгжүүлэлтийн албанд хянан магадалгаа хийж, шаардлага хангасан төслүүдийг шалгаруулалтад урина.
- Сонгон шалгаруулах:** Шаардлагад нийцсэн төслүүдийг 2025 оны 12 дугаар сарын 10-ны өдрийн дотор ШУТИС-ийн Эрдмийн зөвлөлийн дэргэдэх Эрдэм шинжилгээ, технологийн дэд зөвлөлөөр нээлттэй хэлэлцэж, эцсийн сонгон шалгаруулалтыг зохион байгуулна.

Эрдэмтэн судлаач Та бүхнийг ШУТИС-ийн захирлын 2022 оны 04 дүгээр сарын 29-ний өдрийн А/145 дугаар тушаалын хавсралтаар баталсан “ШУТИС-д Төсөл, гэрээт ажил хэрэгжүүлэх, эрдэм шинжилгээний үйл ажиллагааг санхүүжүүлэх журам”-ийг баримтлан, удирдамжийн дагуу төслийн баримт бичгийг боловсруулан сонгон шалгаруулалтад оролцохыг урьж байна.